

საელე წერეთლის ფილოსოფიის ინსტიტუტი  
ქართული და უცხოეთის ფილოსოფიის  
ისტორიის განყოფილება

სამეცნიერო სერია

ფილოსოფია-სოციოლოგიის კლასიკური და  
თანამედროვე ტექსტები

– თარგმანები –

ტომი I

სერიის დამფუძნებელი და მთავარი რედაქტორი  
თენგიზ ირემაძე

სარედაქციო კოლეგია:

ლელა ალექსიძე  
გიორგი ბარამიძე  
ბანანა ბრეგვაძე  
დევი ლუიზაძე  
გურამ თევზაძე  
დოდო ლაბუნიძე-ხოყყერია  
ლამარა რაშიშვილი

ნიკლას ლუმენი

საზოგადოებრივი კომუნიკაციის  
სისტემის  
ცვლილებანი და მასობრივი მედია

გერმანულიდან თარგმნა  
დევი დუმბაძემ

გამომცემლობა „არხე“  
თბილისი 2007

Niklas Luhmann, Veränderungen im System gesellschaftlicher Kommunikation und die Massenmedien, in: ders., Soziologische Aufklärung 3. Soziales System, Gesellschaft, Organisation, Verlag für Sozialwissenschaft: Wiesbaden 2005, S. 355-368. Mit freundlicher Genehmigung des Verlags für Sozialwissenschaften.

- © გამომცემლობა „არხე“
- © ალექსანდრე ალადაშვილი, თენგი's ირემიძე, 2007  
გამომცემელი: ალექსანდრე ალადაშვილი

პირველი გამოცემა, 2007

ISBN 978-99928-925-3-4

ყველა უფლება დაცულია

## მთავარი რედაქტორის წინათქმა

გამომცემლობა „არხე“ დიდი გერმანელი სოციოლოგის, ნიკლას ლუმანის (1927-1998) ნაშრომის („საზოგადოებრივი კომუნიკაციის სისტემის ცვლილებანი და მასობრივი მედია“) წინამდებარე თარგმანით იწყებს ახალ სამეცნიერო სერიას – „ფილოსოფია-სოციოლოგიის კლასიკური და თანამედროვე ტექსტები. თარგმანები“. უპირველეს ყოვლისა, დიდი მადლობა მინდა გადავუხადო ყველა იმ ადამიანს, ვინც ხელი შემიწყო ამ სერიის დაფუძნებაში. განსაკუთრებით მინდა გამოვიყო გამომცემლობა „არხეს“ დირექტორის, ალექსანდრე ალადაშვილის დამსახურება. სწორედ მისი თანადგომის შედეგად გახდა შესაძლებელი ამ სერიის დაარსება.

წინამდებარე თარგმანი შეასრულა დევი ღუმბაძემ. დიდი კმაყოფილებით მინდა აღვნიშნო, რომ სწორედ მან ითავა ეს საქმე: საქართველოში მე ნაკლებად მეგულება ნიკლას ლუმანის მრავალფეროვანი შემოქმედების ურთულეს წახნაგთა ისეთი მცოდნე, როგორიც დევი ღუმბაძეა; მისი მრავალმხრივი და საფუძვლიანი ცოდნა ფილოსოფიაში, სოციოლოგიასა და მედიების მეცნიერებაში იმის წინაპირობა გახდა, რომ ხელთ გვაქვს შესანიშნავად გადმოქართულებული ნიკლას ლუმანის ერთ-ერთი მნიშვნელოვანი და რთული ნაშრომი. (წინამდებარე თარგმანი შესრულებულია შემდეგი გერმანული გამოცემიდან: Niklas Luhmann, Veränderungen im System gesellschaftlicher Kommunikation und die Massenmedien, in: Die elektronische Revolution. Wie gefährlich sind die Massenmedien? hrsg. von Oskar Schatz, Graz – Wien – Köln 1975, S. 13-30).

წინამდებარე ნაშრომში ნიკლას ლუმანი დამაჯერებლად აჩვენებს, რომ მსოფლიო საზოგადოების სოციალური სისტემა მასობრივი მედიის გარეშე (მისთვის სასიკვამლოდ აუცილებელ) კომუნიკაციას ვერ შეძლებდა. დღეს, ამგვარი კომუნიკაციისთვის, საქმარისი ვერ აღმოჩნდებოდა მაღალი

კულტურებისთვის დამახასიათებელი კომუნიკაციის ძველი ფორმები (დამწერლობა და ლიტერატურული ტრადიციები), რადგან თანამედროვე საზოგადოება მანამდე უცნობ, ძალზე სპეციფიკურ ტემპორალურ სტრუქტურებსა აგებული.

რა არის საზოგადოება? ნიკლას ლემანი წინამდებარე ნაშრომში საზოგადოების შემდეგ განმარტებას გეთავაზობს: საზოგადოება ყველა კომუნიკაციურად ხელმისაწვდომი განცდის და ქმედების სოციალური სისტემაა. საზოგადოების სოციალური სისტემა კომუნიკაციის პროცესებისაგან შედგება და მისი ცვლილებები კომუნიკაციის სახეთა ცვლილებებსა დამოკიდებული. თუკი საზოგადოების ევოლუციის სამი ძირითადი ფაზიდან (არქაული საზოგადოება, მაღალი კულტურები, თანამედროვე ანუ მსოფლიო საზოგადოება) მსოფლიო საზოგადოება კომუნიკაციის ფორმათა მრავალფეროვნებითა და სირთულით გამოირჩევა, საზოგადოებრივი ევოლუციის წინა ორ ფაზასაც კომუნიკაციის ეფექტურ ფორმათა შექმნა დაედო საფუძვლად. პრიმიტიული ჯგუფური ცხოვრებიდან არქაულ საზოგადოებრივ სისტემაზე გადასულა ენის ევოლუციის მეშვეობით გახდა შესაძლებელი. აი, მაღალი კულტურების (ანუ საზოგადოების მეორე ძირითადი ფაზის) შექმნას კი წერილობითი კულტურის შექმნამ შეუწყო ხელი. თუკი არქაული საზოგადოებრივი წესრიგისთვის წინაპირობად ინტერაქცია, ანუ კომუნიკაციის პროცესში მონაწილეთა თანდასწრება განიხილება, წერილობითი კომუნიკაციის შექმნა ამ პირობების კალმხრივობას გადალახავს; დამწერლობას შეუძლია უფრო დიდი სივრცითი და დროითი მონაკვეთები მოიცვას, ვიდრე „წმინდა ვერბალურ კომუნიკაციას“. თუმცა მსოფლიო (ანუ დღევანდელი) საზოგადოებრივი სისტემის არსებობისთვის მხოლოდ „ნაბეჭდი სიტყვა“ საკმარისი არ არის. მაღალი კულტურებიდან მსოფლიო საზოგადოებაზე გადასვლას ხელი შეუწყო კომუნიკაციის საშუალებების გაერკვლების ტექნიკების დახვეწამ

და მათი მასშტაბების სრლამ. თუკი აღრე მასობრივი კომუნიკაციის საშუალებად დამწერლობითი ტექნიკები გამოიყენებოდა, ამჯერად წინა პლანზე გამოსახულება გამოდის, ანუ სატელევიზიო და რადიომაუწყებლობის საშუალებები აყალიბებენ მსოფლიო საზოგადოების სტრუქტურას. აი, ასე ჩნდება მასობრივი მედია: მასობრივი მედიის გარეშე მსოფლიო საზოგადოება შეუძლებელი იქნებოდა; როგორც მაღალი კულტურებისთვის აუცილებელია დამწერლობა, ასევე მსოფლიო საზოგადოების სოციალური სისტემის „მეშაობისთვის“ აუცილებელია მასობრივი მედია. მას დამწერლობა მისთვის საჭირო კომუნიკაციურ კავშირთა დამკარების შესაძლებლობას ვერ მისცემს. მსოფლიო საზოგადოების „სინქრონიზაცია“ აწმყოში ხდება და ეს მხოლოდ მასობრივი მედიის მეშვეობითაა შესაძლებელი. მასობრივი მედიის პირველადი ფუნქცია კი საზოგადოების ყოველი წევრის რეალობაში ჩართვა და მონაწილეობაა.

აი, სოგიერთი საკითხი, რისი გამოკვეთაც საჭიროდ ჩავთვალე! მეტის თქმის საშუალებას ეს მცირე წინათქმა არ მაძლევს! იმედი მაქვს, რომ ნიკლას ლუმიანის წინამდებარე ნაშრომის ამ და სხვა მრავალ მნიშვნელოვან საკითხს თვითონ მკითხველი გაიაზრებს და შეაფასებს სათანადოდ.

თენგიზ ირემიაძე

ქ. თბილისი, 25 მარტი, 2007 წ.

თუ დიდ მანძილს დაევიკერთ და მკაფიო ცნებით აბსტრაქციას მოვახდენთ, შეგვიძლია დავინახოთ, თუ როგორ არის დამოკიდებული სა'სოგადოებრივი ევოლუცია კომუნიკაციის სახეთა ცვლილებებზე. ასეთი კავშირის არსებობა მოსალოდნელიც არის. ბოლოს და ბოლოს, სა'სოგადოების სოციალური სისტემა კომუნიკაციის პროცესებისაგან შედგება. ძალიან უხეშად, სა'სოგადოების სისტემა შეგვიძლია დავახასიათოთ ერთმანეთისათვის ხელმისაწვდომ, კომუნიკაციურად მიღწევად განცდათა და ქმედებათა ერთობლიობად. კომუნიკაცია სა'სოგადოებას ერთ მთლიანობად კრავს. ამის კონსტატირება არც ისე რთულია; მნიშვნელოვანია, შევძლოთ კომუნიკაციის სახეთა და სა'სოგადოების ურთიერთკავშირის შესახებ ამ თეზისის ისტორიული და შინაარსობრივი თვალსაზრისით დიფერენცირება. წინააღმდეგ შემთხვევაში, იგი ლიტონ განცხადებად დარჩება.

სა'სოგადოებრივ ევოლუციაში სამი გლობალური ფაზა შეიძლება გავარჩიოთ: 1. პრიმიტიული, ანუ არქაული სა'სოგადოებრივი წესრიგები; 2. ქალაქებში კონცენტრირებული მაღალი კულტურები; 3. თანამედროვე ტექნიკურ-ინდუსტრიულ საფუძველზე მოქმედი სა'სოგადოების სისტემა. ერთი შეხედვით, ეს ტიპები, მათი მასშტაბისა და კომპლექსურობის თვალსაზრისით, სეგრძობლად განსხვავდებიან ერთიმეორისაგან.)

არქაული სა'სოგადოებრივი სისტემები მცირე სომისანი არიან. ისინი ან ერთიან ცხოვრების

წესს და საბინადრო სიერცვს, ან ნათესაობას ეფუძნებიან. მათ თითქმის ყველა სტრუქტურული მონაპოვარი თანადამსწრეთა შორის კონკრეტული ინტერაქციით შეუძლიათ გამოხატონ. არქაულ საზოგადოებრივ სისტემათა შემთხვევაში წარმოსადგენია, რომ ყველა ყველასთან ურთიერთობს. მათი ზღვარი კი იქ გადის, სადაც უშუალო კონტაქტში კონკრეტული ინტერაქცია არასააღბათო ხდება.

მაღალი კულტურები ქალაქთა წარმოშობასთან ერთად ჩნდებიან. ქალაქში შესაძლებელია ინტერაქციის შემჭიდროება, ამავე დროს, მისი დიფერენცირებაც. პორიზონტალურად ინტერაქცია ფუნქციურ სფეროებად განიყოფება უპირველეს ყოვლისა, რელიგიად, პოლიტიკურ თანამდებობებად, შრომის დანაწილების შესაბამისად ორგანიზებულ წარმოებად და ვაჭრობად. ვერტიკალურად კი, იგი სოციალურ ფენათა მიხედვით განიცდის დიფერენციაციას. ამასთან, უმაღლესი ფენები შედარებით მცირე ზომისანი რჩებიან (ეკონომიკური მიწესხებით კიდევაც უნდა დარჩნენ ასეთებად). ამიტომაც მეტროპოლში ჯერ კიდევ შესაძლებელია, რომ საზოგადოების სხვადასხვა ფუნქციური სფერო ერთმანეთთან ინტერაქციის მეშვეობით კოორდინირდებოდეს.

ჩვენთვის განმსაზღვრელ ძველევროპულ ტრადიციაში წარმოიშვა იდეა, რომ საზოგადოების სისტემის კონსტიტუირება სპეციფიკური პოლიტიკური აქტია და იგი მხოლოდ ქცევის ნორმატიული რეგულირების მეშვეობით ხორციელდება. შესაბამისად, საზოგადოების სისტემის საზღვრები ტერიტორიულ საზღვრებად იაზრებიან



- გვიანდელ შუა საუკუნეებამდე, ძირითადად, სასაზღვრო ტერიტორიათა, მოუშენებად ზონათა, მაშასადამე, ისეთ ნიშანთა სახით, ეფექტურად რომ მიჯნავენ; მოგვიანებით კი, იმ ცალსახა ზოლთა სახით, ბატონობის გავლენის სფეროთა დიფერენცირებას რომ ახდენენ და, ერთგვარად, მათი გადალახვისკენაც რომ მოგვიწოდებენ.

მაგრამ, ეს იდეები, დღეს, გადამწყვეტ, ისტორიული თეალსასრისით განუმეორებელ ცვლილებათა ფონზე, მოძველებული ჩანან. მე-18 და მე-19 საუკუნეებიდან მოყოლებული - იმ მიზეზთა გამო, რომელთა ადეკვატურად განხილვის საშუალებაც აქ არა მაქვს - ნაბიჯ-ნაბიჯ დამკვიდრდა მსოფლიო მასშტაბის კომუნიკაციის შესაძლებლობანი. პოლიტიკურ ზეგავლენათა და პერსპექტივათა ქსელმა მთელი დედამიწა მოიცვა. კვიპროსი აინტერესებთ ამერიკელებს - და ღმერთმა ნუ ქნას, რომ მას, თუნდაც ორიოდ კვირით, თეალი მოაშორონ! ნავთობის ფასის ზრდა, ინდუსტრიულ ერთა წინააღმდეგ მიმართული, განვითარებად ქვეყნებს აზარალებს. მოსახლეობის სწრაფი ზრდა წარმოშობს პრობლემებს, რომელთა ლოკალიზებაც - მიუხედავად განსხვავებულ რეგიონებში მათ მიერ გამოწვეული შედეგების სახესხვაობისა - შეუქმლებელია. ნებსით თუ უნებლიეთ, ინფლაციათა იმპორტსა და ექსპორტს ვეწვეით. უკანასკნელი ორი საუკუნის განმავლობაში სოგიერთი მეცნიერების, კერძოდ კი, ფიზიკის, ქიმიისა და ბიოლოგიის, დაშლისა და ხელახალი კომბინირების შესაძლებლობანი უადრესად გაიზარდა. მათთან დაკავშირებული ტექნიკური

რეალიზაციები უნივერსალურად ხელმისაწვდომნი გახდნენ. წურთიერთობა და კომუნიკაცია მრავალი თვალსაზრისით გამარტივდა, რამაც ყველა ადამიანის განცდისა და ქმედების დროში სინქრონიზაცია მოახდინა. ეს კი ნიშნავს: ყველა ხდომილების თანადროულობა და ერთმანეთთან შეთანადების მოთხოვნილება, საერთო მომავალთან ერთად ჰეტეროგენულ წარსულთან ფონზე, მთელი მსოფლიოს მასშტაბით გაცნობიერდა – და თანაც, მოთხოვნის სახით. /

თუკი რეალობას რაღაც ანგარიშს გაუწევით, ასეთი განვითარებანი გუაიძულებენ, საზოგადოების ცნების საკითხი ახლებურად დაესვათ. რეგიონალურ საზოგადოებათა საწყის წერტილად აღება და ყველა ამ მსოფლიო მასშტაბის ურთიერთდამოკიდებულებათა გარეგან ურთიერთობათა სახით განხილვა სულ უფრო და უფრო საეჭვო ხდება. ფაქტია: მსოფლიო საზოგადოება, დიდი ხანია, ჩამოყალიბდა ერთიან სისტემად. მხოლოდ აზროვნებისა და აღქმის ტრადიციული სტრუქტურები გეიშლიან ხელს, დავიჩახოთ და ვადიაროთ ეს რეალური ვითარება. მეცნიერების თეორეტიკოს ფრანგ გასტონ ბაშლიარს თუ დავესესხებით, საქმე გვაქვს „*obstacles épistémologiques*“<sup>1</sup>-თან, მაშასადამე, იმგვარ სოციალურ ცნებათა შემოქმედების გახანგრძლივებასთან, რომელთა მეშვეობითაც საზოგადოების ერთიანობა მისი ერთ-ერთი ნაწილობრივი ფუნქციის პერსპექტივიდან განისაზღვრებოდა – ან პოლიტიკური

---

<sup>1</sup> ეპისტემოლოგიური დაბრკოლებები (ფრანგ.) – მთარგმნ. შენ.

სფეროს პერსპექტივიდან, „*societas civilis*“-ის ძველევროპული ტრადიციის მიხედვით, ან, ბურჟუაზიულ-მარქსისტული ტრადიციის მიხედვით, ეკონომიკური სფეროს პერსპექტივიდან.

ხოლო თუკი, ამის საპირისპიროდ, იმ ფაქტიდან ამოვალთ, რომ ამასობაში ერთიანი, მთელი მსოფლიოს მომცველი საზოგადოებრივი სისტემა შეიქმნა, რომელსაც მსოფლიო სახელმწიფო არ ესაჭიროება, მაშინ, ბუნებრივია, ისიც უნდა გაეაცნობიეროს, რომ დედამიწის ყველა რეგიონი მსოფლიო საზოგადოების ამ ფაქტში თანაბრად არ მონაწილეობს. პოლიტიკური ძალაუფლების, კაპიტალთა მასების, ეკონომიკურ-ტექნიკური ინფრასტრუქტურების, განათლებისა და ცოდნის უზარმაზარ სხვაობათა არდანახვა შეუძლებელიც არის და დაუშვებელიც. თუმცა ასეთი რამ ძველ რეგიონალურ საზოგადოებებშიც არსებობდა, მაგალითად, ქალაქისა და სოფლის უროიერთობის თვალსაზრისით. ის, რომ - და თუ რა სახით - იქცხენ ეს უთანასწორობანი პრობლემად და განვითარებადი ქვეყნების ცნებით თემატიზირებულნი - კიდევ ერთი მოწმობაა იმისა, რომ პრობლემის ჩვენეული ცნობიერება მსოფლიო საზოგადოების ფაქტს უკვე ითვალისწინებს.

## II

კონცეპტუალური თვალსაზრისით ესოდენ განსხვავებულ კულტურულ ტრადიციათა შეხრდის ასეთ პროცესს მხოლოდ საზოგადოების ცნების აბსტრაქციის მეშვეობით თუ შეიძლება ავუღოთ

აღლო. საზოგადოების ცნება ყველა სპეციფიკური ფუნქციისაგან აბსტრაქციის შედეგად მის უკანასკნელ მომენტზე უნდა დაუიყვანოს. რომლის გარეშეც მისი მოაზრება შეუძლებელია, კერძოდ კი. კომუნიკაციაზე და შემდეგ, ამ ამოსავალი წერტილიდან, იგი ხელახლა განვაითაროს. ასეთ შემთხვევაში საზოგადოება, როგორც თავშედეგ ვახსენე, ყველა კომუნიკაციურად ხელმწიხარად განცდის და ქმედების სოციალურ სისტემაზე უნდა განისაზღვროს; მაშასადამე, სისტემაზე, რომელიც ყველა კომუნიკაციური განცდებისა და ქმედებისაგან შედგება.

კომუნიკაციაზე დაფუძნებული საზოგადოების ეს ცნება, უპირველეს ყოვლისა, შემდეგი დაკვირვების სტიმულს იძლევა: საზოგადოებრივი ევოლუციის ძირითადი ფაზები - არქაული საზოგადოება, მაღალი კულტურები, მსოფლიო საზოგადოება - კომუნიკაციის დომინანტურ სახეთა ცვლილებებით ხასიათდებიან. „ხასიათდებიან“ ვამბობ, რადგან დისკუსიაში რთულ ისტორიულ მიზეზობრიობათა შესახებ აქ ვერ ჩავერთვები. საზოგადოების სახეთა და კომუნიკაციის სახეთა ცვლილებებს შორის კავშირი კი აშკარაა და შეგვიძლია ვთქვათ, რომ უფრო რთულ საზოგადოებრივ სისტემათა ინტეგრირება და შენარჩუნება, რა სახითაც არ უნდა განხორციელდეს მათი განვითარება, კომუნიკაციის ახლებურ ფორმათა გარეშე შეუძლებელი იქნებოდა.)

*მაღალგანვითარებულ პრიმატთა ჯგუფური ცხოვრებიდან ადამიანურ საზოგადოებაზე გადასვლა, კერძოდ, თავდაპირველად, არქაულ*

სასოგადოება'სე, ენის ევოლუციის მეშვეობით განხორციელდა, მაშასადამე, კომუნიკაციის უფრო ეფექტურ ფორმათა განვითარებით. ამან მონაწილეთ მისცა საშუალება, /თაყიანს პარტნიორთა ქცევა ამ ქცევით გადმოცემულ ინფორმაციათაგან *კანესხეაეებინათ* და სწორედ ამით ეს ორი რამ ერთმანეთთან *მიმართებაში მოყევა-ნათ*, სახელდობრ, ქცევა ინფორმაციის ნიშნად აღექვათ.:

ეს კი, უპირველეს ყოვლისა, წინაპირობად ინტერაქციას გულისხმობს, მაშასადამე, კომუნიკაციის პროცესში მონაწილეთა თანდასწრებას, ამიტომაც, ნებისმიერი არქაული სასოგადოება სისტემათა ინტერაქციულ ნაშოყალიბება'ზე არის დამოკიდებული, რაც მათ შესაძლო ზომას ზღუდავს და სხეა მხრეაც მნიშენელოვან სტრუქტურულ შედეგებს იძლევა. *მადალ კულტურა'ზე გადახელის* შესაძლებლობას პირველად წყრილობითი კომუნიკაციის განვითარება წარმოშობს. დამწერლობას ის გადამწყვეტი ტექნიკური უპირატესობა აქვს, რომ იგი კომუნიკაციის პროცესს თანდასწრების პირობისაგან ათავისუფლებს. ამიტომაც დამწერლობას შეუძლია გაცილებით უფრო დიდი სიერციითი და დროითი მანძილები მოიცვას; მას შეუძლია უცნობ და უცნობად დარსენილ პარტნიორებს მიაღწიოს და გვერდს უკლის ინტერაქციულ ორმხრიუობათა და კონტროლთა მჭიდრო ქსელს. ამით სასოგადოების სოციალურ სისტემაში კონტროლის დეფიციტები ნნდება, რომლებიც თანდათან ახლად განვითარებ'ული კომუნიკაციის კოდებითა და სისწორის კრიტერიუმებით ივსება: მაგალითად, ლოგიკისა და მეც-

ნიერულობის კრიტიკრიუმებით, რელიგიისა და სამართლის სწავლობის თვალსაზრისით განსოგადებული პრინციპებით, ეკონომიკური გამოთვლის აბსტრაქტული პროცედურებითა და სხვ. კომუნიკაციის სახეთა საფუძველზე კულტურა აბსტრაქციის სეწოლას განიცდის. მის შედეგებს კი ჩვენს ბიბლიოთეკებსა და არქივებში შეიძლება გაეცნოთ.

*მსოფლიო საზოგადოებისაკენ* გადადგმულ ნაბიჯს კომუნიკაციის სეყროს მორიგი, მსაშენელოვანი ცვლილებანი უკავშირდება. ისინი გავრცელების ტექნიკებსა და, ამდენად, დიდი მასშტაბის კომუნიკაციურ ქსელებს ეხება. დამწერლობა, თავისთავად აღებული, ენის კოდის უბრალო დუპლიკატია, ენის მეორადი კოდირებაა ოპტიკის მედიუმში. დამწერლობით სასაუბრო სიტუაციის გარკვეულ ანონიმიზაციას ვაღწევთ. იგი ტექსტთა კეთილსინდისიერად ან მცდარად გადაწერის საშუალებასაც იძლევა: „გადათქმა“ არ არსებობს, არამედ მხოლოდ „გადაწერა“. ასეთი რეპროდუქცია, პირდაპირი აზრით, ინდივიდუალური შემოქმედება იყო; იგი დამოკიდებული იყო ხანგრძლივ და შრომატევად ქმედით რეალიზაციასზე. ახალი დროის ბეჭდვის და მაუწყებლობის ტექნიკით ეს შესაძლება გაუქმდა. ეს იძლევა საშუალებას, რეპროდუქცია ქმედებისგან დამოუკიდებლად განხორციელდეს და, ამდენად, კომუნიკაციის აქტის ერთეულზე ნებისმიერი რაოდენობის მიმღების არსებობის შესაძლებლობას წარმოშობს.

შეგვიძლია დავამატოთ, რომ ამ ეკრეთვოდებული მასობრივი მედიის რეპროდუქციის ტექნიკამ კომუნიკაციის ყველაზე გვიან გან-

ვითარებული სახით, დამწერლობით, დაიწყო, თუმცა, ამის შემდეგ, ევოლუციის ჯაჭვი ერთგვარად უკან დატრიალდა და სატელევიზიო და რადიომაუწყებლობის დახმარებით 'სეპირი სიტყვის, შემდეგ კი, თვით არაენობრივი კომუნიკაციის, მთლიანი გამოსახულების შემოერთება მოხდა. რეპროდუქცია არღვევს თავად ენის საზღვრებს და, შეძლებისდაგვარად, ხდომილების უნატიფეს ნაკეთებსაც კი აშუქებს. კი მაგრამ, რას ნიშნავს ყოველივე ეს? რას ნიშნავს ყოველივე ეს – ვიკითხოთ დაზუსტებით – თანამედროვე სასოგადოების სტრუქტურისათვის?

### III

უპირველეს ყოვლისა, უნდა გავითვალისწინოთ, რომ სასოგადოების ტიპთა და კომუნიკაციის სახეთა ფაზების მიმდევრობა უბრალოდ ერთის მიერ მეორის განდევნა და ჩანაცვლება არ არის. აქ უფრო საქმე გვაქვს მეტი წანამძღვრის მქონე ფორმაციათა დამატებასთან, რომლებიც შემდგომ შესაძლებლის პირობებს ახლებურად განსაზღვრავენ და, შესაბამისად, ახალ ფუნქციას ანიჭებენ იმას, რაც ძველ სტრუქტურულ მარაგში უკვე მოცემული იყო.

ენის ევოლუციას განსრახეული და განურახველი არაენობრივი კომუნიკაციის შესაძლებლობა – მაგალითად, მიმიკით, ნაცმულობით, ან, უბრალოდ, სიტუაციებში თანდასწრებით – არ გაუუქმებია, მაგრამ მას უეჭველად უკვალა ფორმა. ვინც მიმიკით ახორციელებს კომუნიკაციას, ის განსრახ არ იყენებს ენას და ეს, თავის

მხრივ, იცის კომუნიკაციის მიმღებმაც. არაფერობრივი, ირიბი კომუნიკაცია შესაძლებლობის სახით ენასთან ერთადაა შენარჩუნებული; იგი ერთდროულად კარგავს და მოიპოვებს კიდევ ფუნქციებს ამ სპეციფიკაციის პროცესში.

იგივე მიმართებაა ენასა და დამწერლობას შორის. ამჯერად ეს ისტორიულ პროცესში ცნობიერად დაფიქსირდა კიდევ. სწორედ აქ უნდა ვეძიოთ სოკრატესა თუ პლატონის ეჭვის საფუძველი უკვე აუცილებელი, გარდაუვალი სახით შემოდებული დამწერლობის მიმართ. რაოდენ თავქარიანობას მიეცა გასაქანი ახლა, როცა უკვე ზეპირი დიალოგის პარტნიორი თანამოსაუბრეს კონტროლს აღარ უწევდა. მაშასადამე, დიალოგის ფორმა წერილობით კომუნიკაციაში მაინც უნდა შენარჩუნებულიყო! რაღა ეშველებოდა მეხსიერების ოდესღაც ასე განდიდებულ ზეციურ სათნოებას – *mnemosyne, memoria*-ს –, თუკი ყველაფერი მნიშვნელოვანი არქივებში უნდა შენახულიყო და მშვიდად მისცემოდა დავიწყებას?

შესაძლოა, იმ განუწყვეტელ ეჭვსაც, დღეს ეგრეთწოდებულ მასობრივ მედიას რომ უპირისპირებენ, იგივე საფუძველი ჰქონდეს. უკვე რომანტიკის ეპისტოლარული კულტურა ფარულ პროტესტს წარმოადგენდა. და განა ხელოვნებაც იმგვარად არ რეაგირებს ფოტოგრაფიაზე, მის განეითარებას მაინცდამაინც მშვენიერებისაკენ რომ არ წარმართავს?

ასეთი კითხვები შეგვიძლია დავაფიქსიროთ, მაგრამ მათი სახით უკვე სამეცნიერო პრობლემის დამაკმაყოფილებელი სახით დაყენებასთან საქმე არა გვაქვს. ასეთი სოციოლო-



გიური ანალიზი ვერც კულტურის კრიტიკულ პესიმიზმზე და ვერც პროგრესის ურყევ რწმენაზე ვერ შენერდება. მას საკუთარ იარაღთა უფრო დიფერენცირებული და მკვეთრი სახით მოღერება მოუწევს. ამისათვის სოციოლოგიურმა ანალიზმა, უპირველეს ყოვლისა, უნდა გააცნობიეროს, რომ დამთხვევების და ფუნქციათა ახლებური დაბალანსების ასეთი პროცესები იმგვარი სისტემის ფარგლებში ხორციელდება, რომელიც შესაძლებლობათა კანონს ექვემდებარება. არ არის საჭირო, ამ დროს ანალიზი აბსოლუტური ან აპოდიქტიკური სახით შემოტანილ აუცილებლობებს ვარაუდობდეს, მაგრამ მას შეუძლია განჭკრიტოს, რომ გარკვეული სტრუქტურული გადაწყვეტილებანი, სახელდობრ, ისეთანი, რომლებიც მთლიანი სისტემის კომპლექსურობას ეხებიან, შემდგომ სტრუქტურულ გადაწყვეტილებათა შესაძლებლობას ზღუდავენ.

#### IV

ჩქედან გამომდინარე, შეიძლება უტყუარად ჩავთვალოთ ის, რომ მსოფლიო საზოგადოების სოციალური სისტემა მისი კომუნიკაციური ინტეგრაციისათვის მასობრივ მედიას წაიმძღვარებს - ისევე, როგორც მაღალ კულტურათათვის აუცილებელი წინაპირობა დამწერლობა იყო. ცხადია, საზოგადოების სტრუქტურები და კომუნიკაციის სახეები თანდათან და პატარ-პატარა ნაბიჯებით ვითარდებოდნენ, მაგრამ სწორედ ამის მეშვეობით შეძლეს მათ სტრუქტურულად მორგებულიყვნენ ერთმანეთს, რის შედეგადაც

მათი დღევანდელი ურთიერთდამოკიდებულება ურყევი ფაქტია. მასობრივი მედიის გარეშე მსოფლიო საზოგადოება შეუძლებელი იქნებოდა. ტექსტთა უბრალო გადაწერით, აზრის რეპროდუქცია საჭირო კომუნიკაციურ კავშირთა დამყარების შესაძლებლობას მას ვერ მისცემდა.

ეს არა მარტო შრომატევადობის და ღირებულების ეკონომიკური თვალსაზრისით წამოყენებული საკითხია, არამედ, უპირველეს ყოვლისა, სინქარის საკითხიც. თანამედროვე საზოგადოება ძალიან თავისებურ, ისტორიულად განუმეორებელ ტემპორალურ სტრუქტურებსაა ორიენტირებული. მომავალი მას წარმოუდგება სხვა შესაძლებლობათა მიმართ ღია, წარსულისაგან პრინციპულად განსხვავებული სახით. აწმყო ამით წარსულსა და მომავალს შორის გადართვის წერტილად გვევლინება, ანუ წამიერ აქტუალობად, რომელშიც, და მხოლოდ რომელშიც, შეიძლება მოხდეს რაღაც. ვინც ახლავე არ მოქმედებს, რაღაცას აცდენს. ვინც პოლიტიკურ რეფორმებს უშუალოდ არჩევნების შემდეგ არ იწყებს, ხელიდან უშვებს თავის შანსს; ვინც საბაზრო ხარვეზებს დროულად არ აღმოაჩენს, უიმედოდ სამორჩება კონკურენციას; ვინც 23 წლის ასაკში ჯერ კიდევ დაუქორწინებელია, საგონებელში ვარდება. მეცნიერი, რომელიც მოკლებულია იმ ალღოს, რომ პრობლემის დაყენებაში სხვას გადაუსწროს, მუდამ მეორე რანგში დარჩება და სხვისი ნაფიქრისა და ნაწერის პოსტ-ფაქტუმი გაანალიზება მოუწევს.

მსოფლიო საზოგადოების სინქრონიზაცია

აწმყოში ხდება. ეს კი მხოლოდ მასობრივი მე-  
დიის მეშვეობითაა შესაძლებელი, რაც კოორ-  
დინაციის დროს თითქმის წამამდე ამცირებს.  
დემოკრატია, მაგალითად, ემყარება იმ წანამდ-  
ვარს, რომ პოლიტიკურ მოვლენებს ყველა ერთ-  
დროულად უნდა იცნობდეს (თუკი მათ საინ-  
ფლად არ ინახავენ), რის შედეგადაც, პოლი-  
ტიკოსს უწევს ივარაუდოს, რომ სხვებმა მის  
თანადროულად იციან, ფუ რაზე რეაგირებს  
იგი და შეუძლიათ მისი გაგება, მიუხედავად  
იმისა, გაამართლებენ თუ გაამტკუნებენ მას.  
ამაში, რა თქმა უნდა, ბევრი რამ ფიქტიური-  
ცაა, მაგრამ უკვე ეს ვარაუდი შეუძლებელი  
იქნებოდა ვარაუდის სახით, რომ არ არსებობ-  
დეს მაუწყებლობა და პრესა. ინფორმაციის  
გადაცემის უბრალო ფაქტი იმის საშუალებას  
იძლევა და, მრავალ კონტექსტში, იძულებით  
იწვევს კიდევ, რომ მისი ცნობილობა მომდევნო  
მომენტში ივარაუდებოდეს - თანაც, კომუნი-  
კაციის ფაქტობრივი შემოქმედების ხარისხის  
შემოწმების გარეშე. მაშასადამე, ინფორმაციის  
გავრცელების ყოველგვარი ეფექტური ქმედითუ-  
ნარიანობისაგან შედარებით დამოუკიდებლად,  
უნივერსალური ინფორმირებულობის ვარაუდს  
უკვე აქვს შემოქმედება, რამდენადაც იგი ერთ-  
გვარი ოპერატიული ფიქციის სახით პოლიტი-  
კურ პროცესს განსაზღვრავს.

ვინც საკითხის ამგვარი დასმის პერსპექ-  
ტივიდან, მაგალითად, უოტერგეიტის სკანდალს  
შეისწავლის, უმაღლესი გაცნობიერებს დროის ფაქ-  
ტორის ამ მნიშვნელობას. ამ სკანდალის დროს  
აშკარად გამოჩნდა: არცოდნის საჯარო კოლნა  
პოლიტიკურად სტაბილურ პოლიციას არ წარ-

მოადგენს, განსაკუთრებით იმ შემთხვევაში, როცა ყველამ იცის, რომ თითქმის არავინ არაფერი არ იცის. ასეთი კონსტელაციის შემთხვევაში ეს თქმა, მოითხოვს რა განსხვავებულ მომავალს, პოლიტიკური თეაღსასრისით რელევანტურ აწმყოღ რჩება და მას ნებისმიერი ინფორმაცია უმაღ არა მარტო ახალ ცოდნაში, არამედ, ახალი ცოდნის ვარაუდის პოლიტიკურ რელევანტურობაში გადაჰყავს.<sup>1</sup>

ცხადია, ფუჭია იმაზე კამათი, თუ რა არის უფრო მნიშვნელოვანი: ტემპორალური, თუ კონსენსუსის სტრუქტურები. რელევანტურობის საერთო საზომი ჩვენ ისედაც არ გაგვაჩინია. თუმცა ვიცით, რომ უკვე დამწერლობამ და ლიტერატურულ ტრადიციათა განვითარებამ თავისი წვლილი შეიტანა იმაში, რომ მაღალ კულტურებში წარმოდგენის ფაქტობრივი გაერთიანების მოცულობა გადაჭარბებულად შეეფასებინათ. მასობრივი მედიები ამ პრობლემის ახარისხებას ახდენენ. შესაძლოა, ისინი მართლაც იწვევდნენ ფაქტობრივი განცდისა და ქმედების რეალურ ურთიერთდამსგავსებას, უფრო მაღალ კონსენსუსს, მიუხედავად უფრო მაღალი შერჩევითობისა; ფაქტია, რომ ისინი კონსენსუსისთვის გადაჭარბებული მნიშვნელობის მინიჭებასაც იწვევენ. ამასთან, არა მარტო კონსენსუსის ფაქტობრივი მოცულობა, არამედ უკვე კონსენსუსის ვარაუდი არის ის ფაქტორი, რომელიც დროის ზეწოლისა და მცდარი შეფასების რისკის პირობებში უშუალო ზემოქმედებას ახდენს.

ახლა კი, სანამ წანამძღვრებიდან და ფუნქციებიდან პრესისა და მაუწყებლობის მეშვეობით განხორციელებული კომუნიკაციის სტრუქტურული თვალსაზრისით რელევანტურ შედეგებზე გადავალ, აუცილებელია, რამდენიმე შენიშვნა გააკეთო კომუნიკაციის ცნების შესახებაც.

პირველი: კომუნიკაციის პროცესი არ აერთიანებს ფაქტებს ან მონაცემებს მათი წმინდა ფაქტობრიობის თვალსაზრისით, არამედ იგი აერთიანებს სელექციებს – მაშასადამე, ხდომილებებს, რომლებიც შეიძლება ასე, ან სხვაგვარადაც მომხდარიყო და, ამდენად, ინფორმაციის ღირებულებას ფლობენ. მეორე: კომუნიკაცია ყოველთვის სამადგილიანი რელაციაა, რომლის სამივე პოზიცია შემთხვევით სელექციას წარმოადგენს. ესაა: 1. საგნობრივი ვითარება, რომელიც ასეთი, ან, შესაძლოა, სხვაგვარიც ყოფილიყო; 2. კომუნიკატორი, რომელსაც ამ საგნობრივი ვითარების შესახებ შეუძლო ან ელაპარაკა, ან არა; 3. მიმღები, რომელსაც შეუძლია ან გაიგოს, ან ვერ გაიგოს შეტყობინება, მიიღოს, ან არ მიიღოს იგი. კომუნიკაცია არის პროცესი, რომელიც სელექციებზე სელექციურად რეაგირებს, მაშასადამე, შერჩევითობას აძლიერებს. ამგვარი პროცესი კონტინგენტურობას გულისხმობს – სხვა შესაძლებლობათა პორიზონტის გაგებით. საბოლოოდ, თუ იგი საკმაოდ ხანგრძლივად მოქმედებს, საზოგადოებრივი ევოლუციის პირობებში, იგი ჩვენს სრულიად კონტინგენტურ, თეოლოგიური თვალსაზრისით ესოდენ რთულ სამყაროს წარმოშობს.

მაშასადამე, ნებისმიერი კომუნიკაციური აქტი სელექციითაა დატვირთული და ამით ზრის სელექციის პრობლემას. სოციოლოგიურ ანალიზს ის კი არ მოითხოვს, რომ ეს ხდება, არამედ ის, თუ როგორ ხდება ეს. სხვა სიტყვებით: ყოველდღიურ სინამდვილეში ჩვენ იმთავითვე სელექციის გადაწყვეტილ პრობლემებს ვხვდებით. არასოდეს არა გვაქვს საქმე მთლიან სამყაროსთან, არამედ, ახალ ამბებთან. თავად სამყარო ახალ ამბებში მხოლოდ შემთხვევითობის სახით აქტუალიზდება, კერძოდ კი, სამმაგი ნეგაციის სახით: იმ ცნობიერების სახით, რომ გადაცემული ხდომილებანი სულაც არ არის აუცილებელი, მომხდარიყვნენ; იმ ცნობიერების სახით, რომ სულაც არ არის აუცილებელი, ისინი გადაეცათ; და იმ ცნობიერების სახით, რომ სულაც არ არის აუცილებელი, მათთვის ყური დაგვეგდო, და ამას ხანდახან – მაგალითად, არდადეგების დროს – ასე ვაკეთებთ კიდევც.

კი მაგრამ, რას ეყრდნობა ამ მაუწყებლობისა და პრესის საშუალებით გადაცემული კომუნიკაციის პროცესის შერჩევითობა? და რა სტრუქტურები ექცევიან სამყაროს და აქტს შორის? რითი ხელმძღვანელობს შერჩევა?

უნდა გავიხსენოთ, რომ საზოგადოების სისტემის ყველა მნიშვნელოვან ფუნქციურ სფეროს ამგვარი გაშუალების სტრუქტურები აქვს. ეს უმაღლესად გამოჩნდება, თუ შესადარებლად, მაგალითად, პოლიტიკურ სისტემას, ეკონომიკას, რელიგიას, სამართალს ან მეცნიერებას მოუხმობთ. თითოეულმა ამ ფუნქციურ სფეროთაგან ხანგრძლივი საზოგადოებრივი ევოლუციის პროცესში საზოგადოებრივ ქვესისტემათა

მეტ-ნაკლებად ავტონომიური, საკუთარ კანონ-  
თა მიხედვით სელექტირებული დიფერენცირე-  
ბა განიცადა - ნაწილობრივ, ტერიტორიალურ  
საზღვართა გათვალისწინებით, ნაწილობრივ  
კი - ამის გარეშე. თითოეული ეს ფუნქციური  
სისტემა საკუთარ ავტონომიას და სისტემისათ-  
ვის საკუთრივ აბსტრაქციის აქტებს ერთ განსა-  
კუთრებულ, გაცნობიერებულ საზოგადოებრივ  
ფუნქციას აფუძნებს. პარსონსის სოციოლოგი-  
აში ამ ვითარებას ფუნქციონალური პრიმატის  
ცნებით გამოხატავენ. ეს ნიშნავს: ქვესისტემის  
კერძო წვლილი მთლიან სისტემაში, რაც ამ  
უკანასკნელის დონეზე მხოლოდ ერთ-ერთი  
მოთხოვნაა, სხვა მოთხოვნათა შორის, ქვე-  
სისტემის სელექციათათვის მართვის ფუნქციას  
იძენს, ხოლო სხვა მოთხოვნებთან შედარებით  
- უპირატესობას. მთლიანი საზოგადოების  
პერსპექტივიდან თუ განვიხილავთ, პოლიტიკა,  
ცხადია, არ არის უფრო მნიშვნელოვანი, ვიდრე  
ეკონომიკა, სამართალი არ არის უფრო მნიშ-  
ვნელოვანი, ვიდრე მეცნიერება და არც მეც-  
ნიერება - უფრო მნიშვნელოვანი, ვიდრე პოლი-  
ტიკა. აუცილებლად შესასრულებელ ფუნქცია-  
თა რანგობრივად მოწესრიგება შეუძლებელია,  
მაგრამ შესაძლებელია ამ ფუნქციათა ქვესისტე-  
მათათვის გადაბარება, სადაც ისინი სისტემის  
სპეციფიკურ უპირატესობას მოიპოვებენ: მაგ-  
ალითად, სამართლის სისტემისათვის იურიდი-  
ული მოსაზრებანი უფრო მნიშვნელოვანი ხდე-  
ბა, ვიდრე პოლიტიკური თვალსაზრისები თუ  
ეკონომიკური დასკვნები. ამას ემყარება მნიშ-  
ვნელოვანი სტრუქტურული რედუქციები, რომ-  
ლებიც ქვესისტემების ოპერაციებს მართავენ.

აქ დამატებით მოქმედებს კიდევ ერთი გაშუალების მექანიზმი. დღევანდელი საზოგადოების ნებისმიერ მნიშვნელოვან ფუნქციურ სისტემას სისტემის საკუთარი ბინარული კოდი აქვს. მაგალითად, ეკონომიკური სისტემა საკუთრებისა და ფულის კოდებით ოპერირებს, რომლებიც ქონა-არქონის განსხვავებას ეფუძნებიან; მეცნიერების სისტემა - გენმარიტება-არაგენმარიტების დიფერენცირებით ხელმძღვანელობს, ბინარული ლოგიკის მოშველიებით; ხელოვნებაში უნდა შეძლოს მშვენიერისა და უმნოს გარსევა, პოლიტიკამ - ძლიერისა და სუსტის განსხვავება. ასეთი კოდები შეძგომ მათთვის ატრიბუტების სახით მინიჭებული მეორადი სიმბოლოებით აღიჭურვებიან, სიტყვათა ევლუბით, იდეოლოგიებით: თეორიებით მეცნიერების სფეროში, პროგრესული ან კონსერვატიული იდეოლოგიებით პოლიტიკაში, სტილისტური მიმართულებებით ხელოვნებაში, ინვესტიციათა კომპლექსებით, ანუ „წარმოებით“ ეკონომიკაში.

განსაკუთრებულ ფუნქციებსა და განსაკუთრებულ კოდებზე დამოკიდებული იქნება სავარაუდოდ საზოგადოებრივ ქვესისტემათა ორგანიზაციის უნარიც. მაგალითად, ფართომასშტაბიანი საეკლესიო ორგანიზაციის ჩამოყალიბება მხოლოდ მორწმუნეთა და ურწმუნოთა ცალსახა განსხვავების საფუძველზე გახდა შესაძლებელი, რაც, თავის მხრივ, რწმენის დოგმატიზაციას მოითხოვდა. ეკონომიკური ორგანიზაციები წარმადვარებენ კაპიტალის ინვესტიციებს საკუთრების და ფულის კოდების საფუძველზე. ფუნქციონალური სპეციფიკაციის და კომუნიკაციის



განსაკუთრებული კოდის გარდა, ამ ორი წინასწარი სტრუქტურის საფუძველზე ორგანიზაციის უნარი თანამედროვე საზოგადოების გაშეაღების აუცილებელი მექანიზმია.

ეს ყველაფერი იმისთვის მომავლეს, რომ ძალიან მოკლედ ვახვეთ, თუ როგორ არიან ჩვენს საზოგადოებაში ჩვეულებრივ ორგანიზებული გაშეაღების სტრუქტურები სამყაროს პორისონტისა და სელექციურ ხდომილებას შორის. ამასთან კონტრასტში ცხადი გახდებოდა ისიც, თუ რა გეაკლია მოცემული ეგრეთწოდებული მასობრივი მედიის შემთხვევაში. აქ სელექციის შედარებით უშუალო ხეწოლა ხდება, მაშასადამე, მკაცრი, თითქმის დაუსაბუთებელი სელექცია შესაძლებლობათა შეუხლუდველი ეკლის მხრიდან. პრინციპულად ხომ ნებისმიერი თქმა საკომუნიკაციოდ გამოსადეგია.

მიმდების მხრივ, მაღალი სელექციურობის იგივე პრობლემა იძულებული ყურადღების სახით გამოვლინდება. თუ კომუნიკაციის მიმდებს პარლამენტის კომისიებში, სამეცნიერო კონგრესებში, ბირჟაზე ან ხელოვნების გამოფენებზე ჯერ როლთა კონტექსტის არჩევა და შემდეგ მასში ალტერნატივათა გაკონტროლება შეუძლია, მაუწყებლობის და პრესის კონტექსტის სახით არჩევა არ იძლევა იმის კონტროლის შესაძლებლობას, თუ რა შეიძლებოდა გადაცემულიყო ან დაბეჭდილიყო: ვინც გაზეთს, როგორც გაზეთს, თავიდან ბოლომდე კითხულობს, ან ჩართულს ტოვებს რადიოს, მოუწევს მიიღოს ის, რასაც გადასცემენ, მიუხედავად იმისა, რომ აცნობიერებს: ეს არის არჩეული მისთვის უცნობი სხვა შესაძლებლობებიდან.

მაშასადამე, რატომ ხდება ეს, მიუხედავად ამისა? და როგორ ხდება ეს, მიუხედავად ამისა? ხოლო, თუ კომუნიკაცია ამ მაღალი შერწყვეთის პირობებში წარმატებას აღწევს, რა შედეგები მოჰყვება ამას? ეს არის კითხვები, რომლებიც აუცილებლად უნდა დაუსვას საკუთარ თავს საზოგადოების თეორიით დაინტერესებულმა სოციოლოგმა.

## VI

ფუნქციონალური ანალიზი არის უკვე გადაწყვეტილ პრობლემათა აღმოჩენის ტექნიკა. სამყარო ვერ დაუცდის სოციოლოგს; თავისი პრობლემები მას ყოველთვის უკვე გადაწყვეტილი აქვს. საკითხავი შეიძლება იყოს მხოლოდ: როგორ? და ეს კითხვა სხვა, ფუნქციონალურად ეკვივალენტურ შესაძლებლობებთან მიმართებით შეიძლება დამუშავდეს. მაშასადამე, რა არის სხვა საზოგადოებრივ სფეროებში გაშუალების სტრუქტურათა ეკვივალენტები?

რედუქციის, ალბათ, უმნიშვნელოვანესი პრინციპი არის აქტუალობა. ამ თვალსაზრისის ზუსტი კონცეპტუალური აღწერა საკმაოდ რთულია. ყოველ შემთხვევაში, სიახლეს, როგორც ასეთს, უპირატესობა ენიჭება. რაც იბეჭდება ან გადაიკვება, აუცილებლად ახალი უნდა იყოს იმასთან შედარებით, რაც უკვე არსებობს, რომ ღირდეს კომუნიკაციად. აქტუალობა არის *conditio sine qua non*. მხოლოდ ის, რაც აქტუალურია, შეიძლება შემდგომ გახდეს რეფლექსიათა საგანი, გაშუქდეს მისი წარსული, აიწონ-დაიწონოს მისი მომავალი. სოლჟენიცინის გაქვეების

მომენტში პრესა მის ბიოგრაფიას, წამოსვლას, ტაქსით მგზავრობას, მიმიკას, თაყუშესაფრის ძებნას, ცნობისმოყვარე და დახმარების მოსურნე ხელთა შესახებ ინფორმაციას გვამცნობდა. ვისღა აინტერესებს დღეს ყოველივე ეს?

შეცდომა იქნებოდა, თუ დავეუშვებდით, რომ აქტუალობის ეს პრინციპი მხოლოდ ვიწრო აზრით ახალი ამბებისთვის მოქმედებს; იგი მნიშვნელოვანია მასობრივი კომუნიკაციის თითქმის ნებისმიერი სელექციისათვის, განსაკუთრებით, მეცნიერებისა და კულტურის მოვლი სფეროსთვის. რაღაც ახალი უნდა ითქვას, ან, სულ მცირე, ამას უნდა ამტკიცებდნენ მაინც, წინააღმდეგ შემთხვევაში შეტყობინება მიმღებისაკენ გ'სას ვერ გაიკვალავს.

აქტუალობის უპირატესობა, საერთოდ, აქტუალობის თანამედროვე ცნება, ჩვენი საზოგადოების სისტემის ტექნოლოგიურ სტრუქტურებზე არის დამოკიდებული. ადრინდელ საზოგადოებრივ სისტემებში აწმყო ხანგრძლივობად იაზრებოდა, სიახლე არაარსებითობის სიმპტომად, ცნობისმოყვარეობა – საეჭვო მოტივად. ეს რადიკალურად შეიცვალა მე-18 საუკუნის მეორე ნახევრიდან. პირველად ჩვენს ისტორიაში, ჩვენმა საზოგადოებამ აწმყო მხოლოდ და მხოლოდ მომენტად გაიასრა: განსხვავების წერტილად წარსულსა და ღია, სრულიად განსხვავებული სახის მომავალს შორის. ამაში მდგომარეობს, იმაედროულად, მსოფლიო საზოგადოების შანსი, მაინც მონახოს საერთო მომავალი, მიუხედავად კულტურულ-ისტორიულ მოვლენათა განსხვავებულობისა. ამდენად,

პრესის და მაუწყებლობის სელექციის წესი მთლიანი საზოგადოების სტრუქტურებზე ვრცელდება. ამავე დროს, იგი – რაც სწორედ ხსნის მათ წარმატებას – მასობრივი მედიის ტექნიკურ მოთხოვნებსაც აკმაყოფილებს: სიახლე სწრაფად და ყოველგვარი აწონ-დაწონისა, თუ შეფასების პროცესის გარეშე შეიძლება მივიღოთ – რასაც, ცხადია, თან ახლავს ახლახანს აღმოჩენილ და მხოლოდ მივარცხნილ სიახლეთა სიმრავლის გამოყოფა.

ახლა შეგვეძლო შემდეგი კითხვაც დაგვესვა: რომელ თემებს აქვთ ამგვარი სელექციის პირობებში ხანგრძლივობის შანსი? განა სელექციის ეს მოდუსი თავადაც სელექციურად არ მოქმედებს? ღმერთი სიახლე არ არის. როცა ეკლესიები ამტკიცებენ, ღმერთი აქტუალურიაო, ისინი არაბუნებრივად გარდასახავენ ცნებას, რათა სატრანსლაციო დრო მოიპოვონ. აი, ინფლაციას კი ყველა წინაპირობა აქვს იმისათვის, რომ ხანგრძლივ თემად იქცეს, რაც არ უნდა არახელსაყრელი იყოს ეს ნეკნი პოლიტიკოსებისათვის, ვინაიდან ფასების 'ზრდის პროცენტი მუდმივად იცვლება და უაღრესად აქტუალურია ის, შეადგენს თუ არა იგი ახლა უკვე 6,5-ს, თუ მხოლოდ 5.6 პროცენტს. მეტიც, როგორც ჩანს, არსებობს ისეთი თემებიც, რომლებიც მხოლოდ მათი ხანგრძლივი აქტუალობის გამო იწარმოებიან და სხვა მხრივ არავითარი ფუნქცია არ გააჩნიათ, მაგალითად, პროფესიონალური სპორტი.

სელექციის ამ ერთ კრიტერიუმზე დიდი ხნით ვერ შეეჩერდებით, რადგან მას სხვებიც ემატება. სოციალური თვალსაზრისით მოქ-

მედებს მიძღვებოდა ინტერესი, მოლოდინი, განცდის უნარი, ერთი სიტყვით: თავს მოხვევადი და მიღწევადი *ეურადლება*, როგორც სელექციის თვალსაზრისი. ეს პრინციპიც მთლიანი სასოგადოების სტრუქტურებზე ვრცელდება, რომლებიც იმაზე არიან მიმართული, რომ პოლიტიკას ამომრჩევლებზე, წარმოებას მომხმარებლებზე მისცენ ორიენტაცია.

კიდევ ორი მოდიფიკაცია უნდა დაემატოთ: აუცილებელი არ არის, ამ დროს უსათუოდ კონსენსუსის თვალსაზრისით შიდაყოფნასთან გვეჭონდეს საქმე. ეურადლებაც საკმარისია, რათა რაღაც კომუნიკაციურად არსებული გახდეს, სალაპარაკო თემად იქცეს. და მეორე: საქმე გვაქვს არა მიმღებთა ნამდვილ განწყობასთან, არამედ, ინტერპრეტირებულ რეალობასთან; სელექციის პროცესში კი მხოლოდ ინტერპრეტაციას ამოწმებენ და ასწორებენ და არა რეალობას. ეს შეხედულები და გამარტივებული სახით არის შესაძლებელი. თუმცა, მაშინაც კი, როცა დაწერილებით დაესაქმდებით მიმღებებით, იმ შემთხვევაშიც კი, როცა სოციალურ მეცნიერებათა მეთოდით მკითხველთა და მსმენელთა აზრის გამოკვლევას ჩაატარებთ, ინტერპრეტაციის მოთხოვნილება კი არ მოიკლებს, არამედ მოიმატებს.

სოციალური ანტიციპაციის მომენტი წამყვანი რომ ყოფილიყო, სავარაუდოდ, კონსერვატიულ უნიფორმიზმს მიეიღებდით, სავარაუდოდ მოთხოვნილებებსა და სავარაუდოდ მორალზე ორიენტირებულს. ამას, გარკვეულ დონემდე, აქტუალიზაციის ხეწოლა ეწინააღმდეგება. არ უნდა დავივიწყოთ ისიც, რომ არსებობს საგნო-

ბრივი დოკუმენტაციის ძლიერი ტენდენციები. მათი ორგანიზება პროგრამათა, გადაცემათა და პუბლიკაციათა სერიების, გასუთის გვერდების, რედაქტორის კომპეტენციების, გამომცემლობის აქცენტების დონეზე და სხვ. ხერხდება. ამ სახით შესაძლებელი ხდება მრავალფეროვნება თანადროულობის პირობებში. კომუნიკაციის რეპერტუარი გარკვეულ საკუთარ კომპლექსურობას აღწევს, რომლითაც იგი საზოგადოებრივ სექტორებში ინტეგრირდება. შემდეგ კი, აქ შესაძლებელია „სამეცნიერო პროგრამის“, „სამშობლოს განყოფილების“, საგარეო პოლიტიკის სპეციალური რედაქციის, რეგულარულად განმეორებული სპორტული გადაცემის არსებობა, რომელიც შეგვიძლია ჩაერთოთ, ან გამოერთოთ. ამ სახით საზოგადოებრივ თემათა და ინტერესთა ერთობლიობა სექტორებად დანაწილდება.

კი მაგრამ, ეს ხომ მხოლოდ ორგანიზაციითა ფარგლებში ხდება, როლთა და პროგრამათა დონეზე? შეიძლება მოველოდეთ იმას, რომ ორგანიზაციის დანაწილების აქტით მთლიანი საზოგადოების მცირე მასშტაბით რეპროდუქცია განხორციელდება? რომ მაკროკოსმოსი მიკროკოსმოსის სახით ისახება?

უეჭველია, რომ ეს ასე არ არის. უკვე აქტუალურის მიწოდებისა და ამით ყურადღების მოხვეჭის აუცილებლობა დამახინჯებას იწვევს. პროფესიონალური სპორტი, მაგალითად, ხანგრძლივი ვადით არის აქტუალური და იწიდავს ყურადღებას, მაგრამ მისი მნიშვნელობა საზოგადოების სტრუქტურათა თვალსაზრისით, როგორც ჩანს, ამით ამოიწურება კიდევც. მასობრივი

კომუნისტებისათვის სელექცია სელექციის იმ წესების კომბინირებით მიმდინარეობს, რომლებიც ტიპიური არიან კონკრეტული სპეციფიკური ფუნქციისათვის, მაგრამ, სწორედ ამის გამო, მთლიანი სა'სოგადოების თვალსაზრისით წარმომადგენლობითი უერ იქნებიან. ამას ემატება ორგანიზაციული შრომის დანაწილებისა და მისი პროგრამატიკის თავისებურებანი, რომლებიც თემათა სფეროებად დანაწევრებას განსახლურავენ. ამგვარი აღმოჩენა ორგანიზაციის არც ერთ სპეციალისტს არ გააკვირვებს: ნებისმიერ ორგანიზაციას საკუთარ გარემოსთან დაპირისპირებული აგებულების სქემა აქვს; მხოლოდ ამ სახით შეუძლია მას სპეციფიკურ ფუნქციითა განხორციელება.

## VII

ანალიზი შეგვეძლო კიდევ გაგვეგრძელებინა და სპეციფიკური საკითხებით დაგვეკონკრეტებინა. შეგვეძლო დაგვეხევა კითხვა, თუ როგორი არის შესაძლებლობის და სინამდვილის ასეთი დიდი განსხვავებისა და სელექციის ამგვარი პრინციპების პირობებში გარემოს ზეგავლენის შანსი? თუ ყველაფერი შესაძლებელია, მაგრამ მხოლოდ ცოტა რამ ხდება – განა ეს სწორედ იმის ცდუნებას არ წარმოშობს, რომ ნავერიოთ, ნებისმიერი კერძო ინტერესის ცდუნებას აყვეთ, ცდუნებას, უპირველეს ყოვლისა, პოლიტიკისათვის? შეგვეძლო, ასევე, გვეკითხა, თუ როგორი შეიძლება იყოს შესაძლებლობათა და სინამდვილეთა ასეთი დიდი განსხვავებულობისას ორგანიზაციის შიდა გარემო? თუ დაუაკვირდებით,

მაგალითად, რადიომაუწყებლობის დაწესებულებებს – თუ ჩემი მკვირვალური შთაბეჭდილებები არ მდალატობენ – უწყულოდ მღელვარე გარემოს ვიხილავთ: მეტისმეტად ბევრ ინტელექტს მეტისმეტად ვიწრო სივრცეში მკაცრ, დაუსაბუთებელ შესვლად ვათა პირობებში – ასეთია, როგორც ჩანს, საფასური.

ჩემი თემა კი სხვა სიბრტყეს ეხება, საზოგადოების თეორიის სფეროს. აქ დასასრულ მიინდა ორ ერთმანეთთან დაკავშირებულ საკითხზე მაინც მივუთითო: მასობრივი მედიის ამ კომპლექსის სტრუქტურულ ადგილზე საზოგადოებრივ ქვესისტემათა კონტექსტში და დანაკარგების ანგარიშზე.

მე ვცადე მენევენებინა, რომ მსოფლიო საზოგადოების კომუნიკაციური ინტეგრაცია მხოლოდ მასობრივი მედიების საშუალებით არის შესაძლებელი, რომლებმაც, ამასთან, მადალხარისხიანი, განუსაზღვრელი კონტინგენცი შედარებით პირდაპირ უნდა გარდაქმნან გადაცემებად. ამისათვის სელექციის შემდეგი პრინციპები გამოიყენება: აქტუალობა, ყურადღების მოხვეჭა და ორგანიზაციული დიფერენცირება როლების და პროგრამების დონეზე. ეს კი ბადებს კითხვას: განადღებული აქვს თუ არა ამ კომპლექსს, უკვე საკუთარი სელექციის წესის ძალით, სტრუქტურულად მყარი ავტონომია, თუ იგი შეიძლება საზოგადოების რაიმე სხვა ქვესისტემას მივაკუთვნოთ და დავეუქვემდებაროთ? აქვთ თუ არა მაუწყებლობასა და პრესას საკუთარი პირველადი ფუნქცია? არიან თუ არა ისინი პოლიტიკური სისტემის დამატება, ინდოქტრინაციისა და კონსენსუსის ჩამოყალიბების აპარატი? თუ კომერცი-



ულად მოქმედი საწარმოებია?

პასუხი კომპლექსური გამოვა: საწყისი მომენტები საკუთარი პირველადი ფუნქციისათვის აშკარად მოცემულია და სწორედ ეს ხდის საქმეს პოლიტიკური და ეკონომიკური თეალსაწრისით საინტერესოდ. საწყისი მომენტები მოცემულია მსოფლიო საზოგადოების კომუნიკაციის მოთხოვნებებში, იმ სტრუქტურულ პირობებში, რომლებიც უნდა ვაღიაროთ, თუკი არ გესურს, გარემოსგან იზოლირებულნი დავრჩეთ. კომუნიკაციის ეს უნივერსალიზმი დოქტრინათა და დიქტატურათა დისციპლინირებას ახდენს; იგი ზომიერს ხდის მათ იდიოსინკრეზიას, როგორც სტრუქტურულ, ისე აქტუალობის შესახებ მიმდინარე განცხადებათა დონეზე. არაეინ აპირებს გადაჭარბებით შეაფასოს მსოფლიო საჯარო აზრის მნიშვნელობა, როგორც პოლიტიკური ძალისა; მაგრამ, თვითწარდგენისა და შედეგთა გამოთვლის ფორუმის სახით, იგი უეჭველად მნიშვნელოვანია.

ასეთი შეფასება უფრო ძლიერდება, როდესაც ტემპორალურ სტრუქტურებსაც გაეითვალისწინებთ. მსოფლიო საზოგადოება საჭიროებს და ფლობს კიდევ მასობრივი მედიის სახით მყისიერი ინტეგრაციის, ერთობლივი აქტუალობის შექმნის ინსტრუმენტს. იგი ზედმეტად კომპლექსურია იმისათვის, რომ დაგვეგმვათა, შედეგთა სერიების, ხანგრძლივად განპირობებული ეფექტების მეშეუობით იქნეს კოორდინირებული. იგი ერთობლივი რეალობის ეარაუდით და თანდასწრების გრძნობის აგრეგატული სახით ინტეგრირდება. კულტურულ მწვერვალთა მოლოდინის პოზიციიდან ამ ფუნქციის საკ-

მარისად შეფასება შეუძლებელია, მით უმეტეს, ამ პროტენზიის დონეზე მისი დარეგულირება. იგი არც იმისდა მიხედვით შესრულდება უკეთესად, თუ რამდენად ავამაღლებთ მის კულტურულ დონეს. მასობრივი კომუნიკაცია არ არის უკმარისი აღზრდის სუბსტიტუტი, ან განათლების სისტემის დანამატი. სექტორთა მიხედვით, იგი შეიძლება ცალკეული პროგრამებით ამ ფუნქციასაც ასრულებდეს. მისი პირველადი საზოგადოებრივი ფუნქცია არის ყველას საერთო რეალობაში მონაწილეობა, ანუ, უფრო ზუსტად, ასეთი ვარაუდის შექმნა, რომელიც შემდგომ ოპერატიული ფიქციის სახით მკვიდრდება და რეალობა ხდება.

და რის ფასად? ეს უნდა ვიკითხოთ დასასრულს. საფასური საზოგადოების ყველა დანარჩენი ქვესისტემის ასანაზღაურებელი ხდება. ეკონომიკური თვალსაზრისით, ხშირად საქმე გვაქვს დოტაციებზე დამოკიდებულ საწარმოებთან; პოლიტიკური თვალსაზრისით, შესაძლებლობებით შემოფარგვლასთან ან, უბრალოდ, აქტივობებთან, რომლებიც პოლიტიკოსს იმდენ დროს ართმევს, რომ ნამდვილი პოლიტიკისათვის დრო აღარ რჩება. კულტურისა და რელიგიის სფეროში განდევნის კონკურენციას უწივიან. მეცნიერება ხენჯემის პუბლიკაციის ზეწოდისაგან, რომელიც უკვე ინდივიდუალური კარიერის და რეპუტაციის წინაპირობად იქცა. ეს ყველაფერი, უბრალოდ, ვახსენოთ მაინც. გაცილებით უფრო ძნელად გასაგებია ის უარყოფითი მომენტები, რომელთაც თავად ფუნქციის შესრულების სულექციურობა იწვევს და რომლებიც ისე სდევნენ მათ თან, როგორც

აჩრდილი შუქს. ამ უშუალო შედეგებს მით უფრო დიდი მნიშვნელობა აქვთ, რამდენადაც ეს იმ ფუნქციურ სისტემაში არ ხდება, რომლის პრობლემატი'საც იასაც ახდენენ და რომელსაც კომპენსაციის უსრუნველყოფა შეუძლია.

ეგულისხმობ კომუნიკაციას, რომელიც უცნობი რჩება, ყველაფერ იმას, რაც შესაძლოა, მნიშვნელოვანი იყოს, მაგრამ შანსი არ ეძლევა.

რამდენი ფარული ინტელექტი არსებობს? რა ხდება სფეროებში, რომლებსაც კერძოებად განესაზღვრავთ და გეწამს, რომ შეგვიძლია მათი უგულვებლყოფა? რა იწერება წერილებში, რა'სე ლაპარაკობენ მეგობრები ერთმანეთთან? ცხადია, არსებობს კომუნიკაცია, ხელოვნება, რომელიც არ ერგება დიდ მისწრაფებებს, არამედ კერძო წრეებში განაგრძობს არსებობას და აქა-იქ ცნობილი ხდება ერთეულებისთვის, ვინც მათ შესახებ შემთხვევით შეიტყობს. რა აზრები აღმოცენდებიან სწორედ ამ კონტრასტის გამო? და რა გამოუონავს ნატიფ დეტალში, უცნაურობაში, გამბედაობას შემოძარცულ ღუმელში?

ამას არ ვწერ იმ ფარული აზრით, თითქოს ეს ყველაფერი, წესით, ბაჰარსე უნდა მოხედრილიყო. თავისთავად ცოდნა პრივილეგიებს მოკლებული კომუნიკაციის შესახებ ზედმეტად ბუნდოვანი და გაურკვეველია საიმისოდ, რომ აზრიანი კრიტიკის საფუძველი მოგვეცეს. ჩემი მიზანი, უპირველეს ყოვლისა, დასრულებულობა და იმის გაცნობიერებაა, რომ მასობრივი მედიის სპეციფიკური ფუნქციების შესრულება მხოლოდ სელექციურად არის შესაძლებელი; აგრეთვე, იმის გააზრება, რომ სხვა ფუნქცი-

ური სფეროები მაუწყებლობის და პრესის ამ  
სელექციურობას – და არა მხოლოდ ფაქტობრი-  
ობას – ანგარიშის გაწევას უწყებენ. და კიდევ,  
შესაძლოა, იმაზე მითითებაც, რომ თითოეული  
ჩვენგანის ხელთ არის პირადი ბიოგრაფია, რო-  
მელიც მან შეიძლება დროდადრო გამოიყენოს  
იმ ლანდშფტთა მისაღწევად, პროექტორთა  
შუქში რომ არ ექცევიან.